

亦宜乎

四月辛未朔咸鏡道慶源雨雹如豆大不損禾穀

癸酉日暈兩珥色內黃外白

甲戌憲府請申明庶賤歐辱士族者全家徙邊之律 上從之
時教化陵夷人心頑惡下而陵上賤而妨貴賤隸之人憑恃勢
力歐打士族者有之故憲府有是啓

史臣曰此法往在 中廟朝甲申年間已為申明而其在已
亥年間權臣梁淵專擅朝政其奴歐打隣居寡婦梁淵欲緩
其奴之罪托稱三凶設立之法而廢之至是請申明之

○夜南方如火氣

己卯以權容為弘文館典翰尹敦仁為司饗院正

史臣曰前此敦仁窺避殘邑而不赴至是圖為長官恃功自
恣之狀明矣如敦仁者豈堪為一司之長乎兩司無一言時
事可嘆

庚辰日微暈